

Mi Vulteraghju

A tè chì ti si lampata
Senza pietà ne rimorsu
Nant'à la mio terra amata
E lu mio populu Corsu

Un ghjornu mi vulteraghju

Tu chì hai stirpatu tantu
'Nù e to guerracie infame
Omi chì senza dumandu
Hanu aduttatu e o brame

Un ghjornu mi vulteraghju

Tu chì hai sempre nigatu
E stantare testimone
Piattù l'eternu passatu
A ogni generazione

Un ghjornu mi vulteraghju

Tu ch'hai vulsutu affuà
A lingua di stu paese
Per sempre falla stancia
Ci hai impostu u francese

Un ghjornu mi vulteraghju

Tu ch'hai fattu tracinà
A Golu tanti sullati
Per peducci a supranà
L'hai tombi e marturiati

Un ghjornu mi vulteraghju

Tu chì'cu a to barbaria
Imponi u to lindumane

Adduprendu la busgia
E le to prumesse vane

Un ghjornu mi vulteraghju